

INUIT ATAQATIGIIT INATSIARTUNI



UPA2023/85

18. april 2023

Mariane Paviasen

**Qanoq iliornikkut uumassusileqatigiiaat nunanit allaneersut
ajornartorsiutaanerata pinngitsoortissinnanissaanut
iliuuseqartoqarsinnaanersoq, nunatsinni uumasooersut
innarlerneqannginnissaat pillugu apeqquteqaat aallaavigalugu
oqallisissiatut siunnersuut.**

(Inatsisartunut ilaasortaq Aqqalu C. Jerimiassen, Atassut)

Inuit ataqatigiit sinnerlugit oqallisissiarinnittoq Aqqalu C. Jerimiassen qutsavigaarput.

Aqukkuminaatsumik silap pissusiata allanngoriartorneranik ilaatigut kinguneqartumik uumasut nunatsinni takussaasimannigitsut takussaaleriartornerat nunatsinni uumasuijusunut akornutaalernerat iliuuseqarfigeqquneqartoq paasinartorujussuuvoq. Nunattami uumasuisa piujuartinneqarnissaannut anguniagaqartuartariaqarpugut, nunarsatsinnimi uagut maanna maanniittugut kingulissatsinnut kingornutassanik peqartuarnissaannut pisussaaffeqarpugut, taamaammat oqallisissiertup oqallisissiaq una pingaaruteqarluinnartoq qaqimmagu qutsavigaarput.

Taamak oqariarluta aamma pingaaruteqarluinnarput nunarsuatsinni uummassusillit tamavimmik piujuarsinnaannissaannut anguniagaqataaannissatsinnut, nunarsuarpummi ataasiinnaavoq allamik periarfissaqanngilagut uumassusilinnik piujusunik nungutsaaliuveqataaannissatsinnut pisussaaffeqarnerput aamma puigussanngilarput, nalunaarusiami oqallisissiertup aamma tigulaariffigalugu oqaaseqarfigisaanni ilaatigut ima allassimasoqarpoq:

INUIT ATAQATIGIIT INATSIARTUNI



“Piffissami inuuffigisatsinni nunarsuarmi uumassusillit assigiinngitsut amerlassutsimikkut ikilingaatsiarput. Ullumikkut nunarsuarmi uumassillit assigiinngitsut akornanni nungutaasoqartarnerini nalinginnaasumiit 100-niit 1000-eriaatinut amerlanerusut annaaneqartarput. Uumasooqatigiit tamarmik eqqorneqartarput – sullinerniit uumasunut annerusunut, aamma immap naasuinit minnerniit orpinnut annernut”

Nunarsuarmioqataavugut nunarsuatsinnilu uumasooqatigiiaat nuttartarnerat killilersoruminaappoq, mianerisassat eqqarsaatigilluagaasumillu periuseqarnissaq pisariaqarpoq, illua'tungaani nunatsinni uummasut qangarsuaaniilli nunatta uumasorisaat illersortariaqarpavut aammali nunarsuup uumasui illersortariaqarpavut, killeqanngitsumik nungusaanissaq orniginanngilaq, oqimaaqatigiissakkamik ilisimasaqarluartut ilisimasaat atorluarlugit iliuuseqartarnissaa pingaaruteqarpoq.

Uumasut assigiinngitsorpasuppuput aamma amerlassutsimikkut assigiinngisitaartorujussuuppuput, nunani allani uumasut nunatsinnut nutsertut nunarsuarmi uumasooqassutsimut sunniutai eqqarsaatitsinniittariaqarput, uani eqqartorneqartoq Canadap nerleri 2007-imi kisitsinermik innersuussiffigineqarput, 2020-mi Kangerlussuarmiit Kangerluarsuk tullermut ATV-nut aqquserngiorniariarluni nalunaarusiornermi oqaatigineqartoq tassaavoq Nunatta nerleri ikiliartortut patsisaasutullu ilaatigut tikkuarneqartoq tassaavoq nunatsinnut apuunerminni uumaniarnermik unamminartorsiortarnerat aammalu Canadamiut nerlerisa nunatta nerlerisa najugarisartagaannik tigusiartuinnarnerat.

Canadallu nerlera Sisimiut upernaviullu akornanni nalinginnaasunngoriartuinnarpoq, nunattalu nerleri tamassumap kingunerisaannik ikiliartorlutik, ilisimalluarnerusariaqagarput tassaavoq

INUIT ATAQATIGIIT INATSIARTUNI



nunatsinni “tikiuttartut” allat suut nunatta pigisaannik ingiaajartuinnarneri. Taamaammat oqallisissiortoq isumaqatigaarput uumasooqatigiit takornartat

ajornartorsiutaasut periusissiorfigineqarsimasullu tigussaasumik takussutissartalimmik suliniuteqarfigineqartariaqarput.

Eqqartorsinnaasat amerlagaluartut Naalakkersuisunut innersuussutigissavarput Kalaallit Nunaanni uumassusillit assigiinngissitaarnerinut periusissiarisimasartik ersarinnerusumik iliuuseqarfigineqassasoq, taamaaliunngikkuttami aqunneqarsinnaanngitsumut killittoqinagatta.

Qujanaq.

[Grønlandsk blisgås i stærk tilbagegang | Sermitsiaq.AG](#)

[Oqaluuserisassat oqaluuserineqarfissaasalu ullui | Inatsisartut](#)